

Бюхттулсса Ххувшаврин - 75 шин



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 97-сса шин.

12+

«ЗАРЯ»

Нюжмар
8 май
2020 ш.

№20

www.zaria-online.ru
gazetazary@mail.ru

Ххувшаврил кьини - Ххувшаврил байрам



Гьарца шинал майрал 9ний к1иц1лагару жува 1945 шинал Ят1ул Аьралуннал ва циняв совет агьалинал гитлер-дул Германия бас бувсса Ххувшаврил байрам. Ва кьини кьуртал хьуссар 1941 шинал июньдалул 22ний чани хьякусса ч1умал байбихьусса Буттал к1анттул ц1анисса Хьунмасса дьэви.

Ххувшаву гьарца шинал к1иц1лаглансса х1укму бувну бивк1ссар СССРданул Верховный Советрал Президиумрал Указрай 1945 шинал майрал 8ний. Майрал 9ний т1урча бувкссар Верховный Главнокомандующий И.В.Сталиннул амру №369. Муний баян бувссар, майрал 8ний Берлиннай германиянал лараймур командованиелул вакилтурал кьулбасру дуршиву мин-тин бакъа канихьхун бук1ла-к1исса актрай. Му амрулий баян бувссар, совет агьалинал немец-фашистурал чапхунчитурашчал буллай бивк1сса дьэви кьуртал хьушиву Ххувшаву ларсун. Амрулий барча буллай бивк1ссар ххувшавришчал жула ят1ул аьралуннаву ва ят1ул флотрайсса солдатътал ва моряктал, сержантътал, старшинахьул, х1аписартал, генералтал, адмиралтал ва маршалтал. Верховный Главнокоман-

дующийнал амрулий баян бувссар, майрал 9ний, яни - Ххувшаврил кьини, ссят 22ний Московлив дант1ишиву циняв совет халкьуннал чулухасса салют Ят1ул Аьралуннан, мукумла Дьэвилул-Хьхьирил флотрал жамирдан ва частирдан, ххувшаву миннал ларсун-т1ий. Салютравугу дикланшиву азарва ттуп арх1ал битлатисса зувира залп.

Гара кьини бувкссар СССРданул Верховный Советрал Президиумрал Указ «Об учреждении медали «За победу над Германией» в Великой Отечественной войне 1941-1945 годов» т1исса.

Га хьхьуну, тачлав кьадирк1сса салютту дурну, ххувшаврил цалчинсса шадлугъ хьуссар. Гара шинал июньдалул 24ний дурссар Германия бух баврин хас дурсса Ххувшаврил Парадгу Московлив Ят1ул майданнив.

Парад кьамул дуллай ивк1ссар маршал Георгий Жу-

Зуйн икрамрайссару!

Дазу дакъасса х1урматрашчал зуйн икрамрай, райондалул администрациялул, депутатътурал собраниелул ва ттула чулуха барча дуллай ура зухъ, Буттал к1анттул ц1анийсса Хьундьяввилий Ххувшаву ларсун 75 шин шаврил байрам!

1418 гьантлий най бивк1сса Хьундьяввилий х1атх1исав дан кьашайсса ях1, кьирият, кьучагъшиву ккаккан дурсса зу, жаннай х1айп кьаувкуну Ххувшаву ласун, ох1алсса фашизма-лия Совет билаят ва халкь ххассал бан талай, зий, хьхьуния кьини дурну зий бивк1сса зу, цинявппагу Лакрал ветерантал, барча буллай ура ва тарихраву бюхттул хьусса байрамрашчал.

Ххувшаву гьан дан, кьинтта дуруччин гьарца зад фронтран к1урадаен дурну, яла язими хьус-хьиншивуртту Ватандалун, зах1матрал гьухъ рут1лай бивк1миру зу, ях1лувтал!

Барча хьуннав ххаринугу пашмансса, пашманнугу ххарисса Ххувшаву ларсун 75 шина шаврил байрам.

Цуксса кьаччайнугу жула дьянива



гьантта бувккуну сайки бухлавгунни дьэвилул ветерантал. Амма миннал дурсса чувшиву, кьанкьашиву, Буттал улча буручлай дурх1усса аьзаврдал кьадру-кьимат, абадул хьусса миннал ц1арду мудар жула дак1урдиву лич1ант1иссар, ирсирай цукунчлав хьама дитангу кьабуч1иссар. Цанчирча, миннали Ватан дуруччин, жунмасса оьрму ябан жанну дуллусса, лялич1исса чувшивуртту ч1а-лач1и дурсса.

Гьаксса хьуннасса х1а-дуршин дуллай, хьинну даражалий хьуна дакьин ва т1ай-ла дуккан Ххувшаврил байран сукку хьуну буссия жула билаятрай. Цибанссар, к1улбакъа бала ялун бивну, багъайсса даражалий байран дан кьахьурчагу, шайсса кьуццулий му бюхттул давриха зий бур х1укуматрай.

Ч1яру даннав, ххирасса ветерантал, зун дуллусса оьрмулул шинну. Ц1уллушиву, ялагу ц1уллушиву зуяту кьагьаннав!

Зуйн х1урматрайсса «Лакрал район» МРданул бак1чи Ю.Мах1аммадов.

Ххувшаврил кьини - Ххувшаврил байрам



(Дайдихьу 1 лаж.)

фронтирттал ва армиярдал командующийтал, Совет Союзрал Вирттал, цала частирдал ттугъругу бувгъуну.

1967 шинал Ххувшаврил кьини Московлив Кремльданул члирачла дурссар **Клулакъасса Солдатнал Гъав.** 1997 шинал муниципалитеттиссар **Пост №1**, жула билатрал кьаралданул пост. Му

травун багъунни «**Бивклу бакъасса полк**» тлссса колонна дуллалссса акциягу.

Ххувшаврил кьини - хасъсса агъамшиву дусса байрамри. Му дайссар, Ватан виричувшиврий дуручлай бивкми дакнийн бичин, хъама къабитан. Гъашину, Бюхттулсса Ххувшаврил 75 шинал Юбилей хъанахъисса шин Аьрасатнаву баян бувс-



хъанахъиссар талаталтрал бюхттулшиврул Щалагу миллатрал мемориал (гъайкал).

1995 шинал хъуншагърулул майданнив дацлан дурссар маршал **Георгий Жуков** лунсса гъайкалгу.

2013 шинал шихунмай аьда-

сар Год Памяти и Славы тлий. Мунин хасъсса РФлул Президентнал Указгу чивчуссар. Ва кьини, Аьрасатнаву дакъасса, цайми билатирттайгу клицлаглагиссар. СНГлул сайки циняр билатирттай ва кьини зун къаби-

Рейхстаграчла сурат рирщума

Аьлиев Аьвдулмажид увну ур 1901 шинал Шахъував Аьлил кулпатраву. Жагъилну унува, революциялул чул бувгъусса инсантурацлун авкъуну, гайннан кумаг булла ивклун ур, тапшур бувмур биттур булла.

Шяраву члявуссаннан клулсса пиша - къалайчишиву - лавхъхуну, хъунил, ххалал давуртту дан уклай, хлалтилухун лаглай, ччатл льякьин хларачат булла ивклун ур. Шавай увклсса члумалгу, мухлру, члиниклру баел булла, цайми аьркинсса къай-къуй дакьин дулла, хъуруннал давурттай кумаг булла, ххулул булла акъацлайсса ивклун ур.

Хлалтилухун лагайсса ивклун ур Ростоврайн. Дягъви байбихълахъини, къалайчишиву дулла Аьвдулмажид Харьковрай ивклун ур. Байбисайхту, фашистурал аьралунная ливхъуну нанисса жула аьралуннал ва халкъуннал мугъалттушчал махъунай най, га ивну ур Астраханнайн. Микку Кировский райвоенкоматрал увцун ур аьралуннавун 1942 шинал октябръданий.

Цал га агъну ур Сталинградулал фронтрайн, яла мичча Кьиблалул фронтрайн. Аьралуннай каялушиву дулалалиминнан мунал касму ххуй дирзун, мукунсса усттар цачлана агъаврия ххари хъуну, му зузи увну ур армиялул интендантский отделданул (лаххиялул, дукиялул, лазундаралсса байсса) аьралуннал транспортрай улахъгу ххилаххисса, ярагъгу бакьин байсса дуссукъатлул къалайчину. Цайнна тапшур дурсса даву Аь-М. Аьлиевлул дягъвилий щаллу дулла ивклун ур, документирттай чивчусса куцуй, 180-200 процентрал.

Ростоврая тлайла хъуну, цал Кьиблалул фронтрай,



Алиев Абдулмеджид Алиевич



Аьвдулмажид - гъайкалданул никирай кагу дирхъуну авцлума

яла Украиннал 4мур фронтрай, тихунмай Украиннал 3мур фронтрай талатиминнащал душмантал ххит булла, миннал тархъан бувну бур Украиннал кьиблалул чулухсса члявусса шагърурду, бувккун бур Молда-

виянавун, тархъан бувну бур Кишинев. Талатавуртту дакъасса члумал ярагъ бакьин булла, талатавурттавух цувагу гьуртту хъанай, Аьвдулмажид ивну ур цала гъалмахчув, цала шяравучув Абуссупиян Махлмамдовлушчал Берлиннайн. Му тасттикъ булла бур Аьвдулмажидлул цащала бивкминнащал авцлуну, Рейхстаграл щачланттай рирщусса суратралгу. Рейхстаграл члирай ганал чирчун дур цала цлагу: «Дагъусттан. Аьлиев Аьвдулмажид», - тлий.

Дягъви къртал шайхту, га ялагу тийхва, Германиянаву ацлан увну ур дачли

шинайсса, левкъсса, пляк учин бувсса ламурду бакьин булла. Яла итаавкъуну, увклун ур шавай, хъазамаву «Ятлул цлукул» орден, «За боевые заслуги» ва цайми медаллугу ларчлун, генералтал Баграмянлул, Чуйковлул ва Хъунма Главнокомандующий И.Сталинлул чулухасса барчаллагърал чагъардашчал. Шяравун увклун махъгу, Хъун неххайх шяравун лахъансса цалчинсса ламу булла ганал хъунмасса захлмат бивхъуссар мукуна дягъвилия увклсса цала шяравучув Мусаев Мусащал. Германиянаву бувсса ламурдаха лавхъхъуну га члумал гайннал бувсса муххал ламу цланагу бур шахъуйннал ламул неххал ялтусса бутлул.

З.Махлмамдов.




1940 шинал Лакрал райвоенкоматрал Мухлад увцуну ур аьралуннавун. Таллин-найн гъан увну, тийх бувк-куссар танкардаштал талан биклайсса бахьтагьалтрал училище.

Дяъви байбишайхту, най унува дяъвилийн увцуну, танкардайн битайсса ттупал батареялул командирну ивтссар. Хьхьичипурттуву мукун талайгу ивкун, яла **М.Хусманов** ивтссар битултрал батальондалул командирну, лайкь хьуссар капитаннал цланин.

1943 шинал август зуруй Мухладовлуйн захматсса щаву дирну, га инвалид хьуну ур, дяъвилия шавай гъан увну ур. Гара шинал «Красная звезда» кказитрай батальондалул штабрал начальник В.Клепиковлул риршун дур Мухлад Хусмановлул дурсса виричушивурттаясса макъала **«Не раз он смерти смотрел в глаза»** тлссса («Га цалгу, кийлагу кьаурувгссар бивклулул итгав»). Муний В.Клепиков чичлай ур: «Хусмановлуя хлайран хьусса, ванайн дирсса щавулиясса хаварду талаталт буслай биклайва кьинттуллухгу, фронтрал цайми бутрайгу. Кьучагьсса капитанная га члумал чичлай биклайва фронтрайва

Шама уссу - шама виричув

Хусманов Мухлад Хусманнул арс увну ур Ккурклив 1916 шинал. Ганал бивкун бур Гьумучатусса кулпат Зинат. 1933 шинал ганал кьуртал бувну бур Гьумуксса педкомбинат. Яла зий ивкун ур Ккурккуллал байбихьуллул школалий учительнугу, заведующийнугу.



ва Московлив итабакълакьисса кказитирттай, ганаяту чивчуну итадакьайва «боевой листокру». Гьарца кланай, фронтрай жува багьсса циняр талатавурттаву жу, батальондалул ветерантал, пахрулий биклайссияв жуйнма «османовцы» («хусмановлулми») тлий, жула командирну ивкисса ганал цлаништал талан най.

М.Хусмановлул дурсса виричушивурттая чивчун бур З.Уздиннулгу 1944 шинал ноябрьданул бний

бувксса «Отечество» кквазитрай риршусса **«Слава, рожденная в огне»** («Цлараву лярхьусса бюхттулшиву») тлссса макъалалий.

Мухлад Хусмановлул дурсса виричушивурттахлу ганан дуллуну дур **«Ятлул цлуку»**, 2мур даражалул **«Буттал кланттул цланисса дяъвилул»** орденну, **«За боевые заслуги»**, **«За отвагу»** медаллу.

Дяъвилия увкун махъ М.Хусмановлул Махлачкьалалив мина дирхьун дур.

1945-47 шиннардий зий ивкун ур Дахадаевский райондалул военный комиссарну. Гания махъ - инвалидтуран кару-ччанну дайсса комбинатрал директорну.

1977 шинал июльданий М.Хусманов аьпалухьхьун лавгун ур.

Артиллеристурал полкрал школагу, Московливсса авиационно-технический училищегу бувккуну, 1942 шинал дяъвилийн лавгун, авиационный полкраву талай ивкун ур дяъви кьур-

тал хьуннин Мухладлул уссу **Махлammaдгу** (1919 шинал увсса). Лайкь хьуну ур 2мур даражалул **«Буттал кланттул цланисса дяъвилул»** ордендалун. Аьралуннава итаавкьун, шавай увкун ур 1946 шинал мартрай хьунма сержант хьуну. Яла, 1947-1973 шиннардий зий ивкун ур Ккурккуллал колхозрал бухгалтерну. Аьпалухьхьун лавгун ур 2002 шинал.

Клайннаял чливима уссу **Хласанбаг** (1921 шинал увсса) аьралуннавун увцун ур 1941 шинал Махлачкьалалал военкоматрал. 1942-43 шиннардий дуклай ивкун ур механиктал хладур байсса дяъвилул училищелий Астраханнай. Кьуртал байхту, 1943 шинал лавгун ур дяъвилийн. Ххушаву ласуннин фашистурал талайгу ивкун, аьралуннава итаавкьун шавай занаву ур 1948 шинал члавама лейтенантнал цлаништал. Ганал хьазамраву диркун дур 3мур даражалул **«Слава»**, **«Ятлул цлуку»**, 2мур даражалул **«Буттал кланттул цланисса дяъвилул»** орденну ва **«За боевые заслуги»**, **«За отвагу»** медаллу. Воронежрай мина дирхьуну, шагьрулул финотделданий зий ивкун ур. Аьпалухьхьун лавгун ур 1984 шинал.

Авдуссалам Магьдиев.

Дурпал цал дуклай ивкун ур Хьунав, яла-Гьумук. Школа кьуртал байхту, увхун ур техникумравун.

Дяъви байбишайхту, аьралуннавун лавгун, агьну ур архну леххайсса авиацилувун. Ганан бавну бур, цува усса полкираву дагьусттаннаясса цамагу ушиву. Луглан ивкун ур мунах. Хьунавкьун ур дакний-мазрай бакъасса кланай-хлammaраву. Му льявкьун ур цала шьраватусса **Исмаил Шахшаев**.

И.Шахшаев летчик ушиву ганан клуну бивкун бур. Оьрчнийва га буттал шьравун отпускалий увкунгу ккавккун ивкун ур. -Аллагьнай хьаршав, ина Хлажи-Махлammaдлул арс ура, куну бур Исмаиллул, ххарину ганал кагу дугьлай. -Щил бакравун бухханссия, лагмава дяъви бусса члумал, шикку шьравучув хьунаакьинссар, куну. Махлатталла! Талатавурттаву гьуртту хьуссарав?» «Къавхьуссара.» «Жу гьархьхьуну леххан най буру. Лехханнав жушчал?» «Лехханна.» «Туну, ссят ацунний хлаписартурал кьатлувун ухьхьу,» куну бур Шахшаевлул.

Кьуннийл ссят ацунний битур-радиот Дурпал учлайхту, И.Шахшаевлул га экипажраштал клул увну ур ва хьхьуну гай леххуну бур. «Ххуйну уруглагу лагмава. Душманнал истребительлу цакуну дуккан бюхьайсар. Ххуйну ишангу ларсун,

Цладурксса шьравучувнаштал талай ивкиссар

Дурпал Махлammaдов увну ур Хьунав Хлажи-Махлammaдлул ва Аминатлул кулпатраву 1920 шинал. Хлажи-Махлammaд ивкун ур зунттаву цала лухччивгу дусса ризкьичи. Цлусса замана бучлайхту, цала думур зерххуну, цувагу, кулак куна репрессиялухьхьун агьаннин кьаавцлуну, ганал лухччивгу, ризкьигу паччахлулгьран дуллуну дур.

сант дагьайхту, гацлана бита,» куну бур штурманнал.

Летчикнал газ левшуну, самолетрал члу лагь бувну бур. Шахшаевлул куну бур: «Газ лещайссар, мотордал члунил жува ялув бушиву душманнан клул кьабаншиврул». Ххюра минутрава лув члалан диркун дур чларусса немецнал техника. Самолет хьинну лагь дурну, гайннул ялув дурцуну, бомбарду бивчун бур. Шахшаевлул ишандалий бивчусса бомбарду мудан тлайлану аьркиннийн багьайсса бивкун бур. Мукунна лагьну лерххун най, душманнал битлатисса ккуллардугу махъ кьабивтун, ИЛ-4 самолет занаву шайсса диркун дур. Д.Махлammaдовлулгу рациялувух штаблайн баян байсса бивкун бур, ялув бивхьумур биттур бувшиву.

Члявусса леххун ур Дурпал Шахшаевлуштал, ганал тлимур биттур буллау. Члявуну нигьачлссса тагьар-



данингу багьайсса бивкун бур. Амма, Дурпаллул хьинну битан клуну буну, ми сагьну цала аэродромлайн занаву шайсса бивкун бур. Курскалал ккуртлуисса талатавурттаву, душманнал гьужумругу байшун бувну, Ятлул Аьрал цивппа хьхьичлунмай бавчун бур. Жула авиация цаннил хьирив ца

ришавуртту дуллау бивкун бур фашистурал позициярдаих, тайннал техникалин ва аьралуннайн бомбарду бичлай. Самолетирттай кумаг буллау бивкун бур партизантурангу, миннан ярагь ва даруртту биян буллау.

1943 шинал ахирданий И.Шахшаев штурманну, битур-радиотну Д.Махлammaдов ва летчикну Балалов усса самолет лерххун дур душманнал кьинттуллух архну, Луцк шагьрулул аралуу украиннал ва белоруссиянал партизантал талатисса кланайн даруртту лавсун. Махьунмай

цала аэродромлайн биян-

нин, партизантурал-ставкалин, ставкалулгу-Верховный Главнокомандующий И.Сталиннул авиаполкрайн барчаллагь баян бувну льявкьун бур. Муксса аьркинну бивкун бур партизантуран гай даруртту.

Августрал 3-ний гай леххан багьлай бивкун бур Брянскалийсса фашистурал базалийн бомбарду бичин. Исмаил Дурпаллуцлан гъан хьуну, куну бур: «Дурпал, хлакьину жу лехханну ина акъана. Тул дакний ххуйбакъасса асар бур. Укун тачлав кьабиклайссия. Маучлара жушчал. Ина ттигу жагьилсса ура. Ина шавай сагьну занайклан аьркинсара, вила наслу бан.» Дурпаллул ци тлурчагу, Шахшаев лахлан ан кьавхьуну ур.

Дяъвилия сагьну занаву хьусса Дурпал, мукьцала шинавун иянин кьаивтун, ва дуняллия лавгун ур. Ганал клану бувгьун бур ганал арс Дурпаллул. Дурпаллул арс Дурпал яхъанай ур Махлачкьалалив. Цала шьравучувтурал дянив сий дуну ур, духлин дусса инсан ва тлайласса зузала куна.

С.Мусаев.



Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
**Ответственный
секретарь**
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

**Адрес редакции,
издателя:**

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»
Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 742 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения
авторов, которые несут
ответственность
за достоверность
о объективность
представленных для
публикации материалов.

Французнал партизантуращал талай

Сагидов Гъади Сагидлул арс увну ур Гъунчлукъатлув хъудугъул кулпатраву. Шяраву школалий арулва классгу бувккуну, 1939 шинал Махлачкъалалив увххун ур медициналул техникумравун.

1941 шинал техникумгу бувккун, га лавгун ур дъявильин. Туапсе шагърулийн ивну, тичча га цайминнащал иян увну ур Севастополлайн. Тийх тлурча, захматсса талатавурттаву щаву дирну, фашистурачлан ясирну агъну ур. Ясир бувми Украиннава бивчун бур Германиянавун.

1943 шинайнин тийх ясирну ивклун, ганаща буюхъуну бур цаппаранна-



щал архлал лихъан. Шанма гъантлий ливхъун най, гай бувккун бур «Ххунххутлив» («Маки») тласса французнал партизантурал кьюкълучлан, миннал гай цала кьюкълувун кьамул бувну бур. Му кьюкълуву гай бивклун бур ламурду, связьрал линиярду, муххал ххуллурду плякъ учин буллай.

1944 шинал Франциянал партизантурал кьюкърци члун хъуну дур американал

аьралуннащал. Миннащал талай, Гъади Сагидов гъурту хъуну ур шагърурду Базе, Марсель, Тулуза, Монтеблан фашистурая тархъан булла- лисса талатавурттаву.

Ххувшаву ласайхту, Гъ.Сагидовлун цайминнащал архлал Париж шагърулий бахшишран дуллуну дур орденну ва медаллу.

Франциянава СССРданин занаиклайхтуга аьралуннаву талай ва кьуллугъ бул-

лай ивклун ур, лайкъ хъуну ур ялагу 2мур даражалул «Буттал кланттул цланисса дъявилул» ордендалун ва медаллан, лейтенантнал цланин.

Ганал орденну, медаллу ва Франциянаву талатини баклрай бихълай ивклсса берет (къяпа, тлакъя) бур цлана Дагъусттаннал улча лахъхъай музейраву.

Шавай зана ивклун махъ, саняткаршиву лархъхъуну, члярусса шиннардий зий иклайссия Дянивмур Азиянаву. СССР бутлрайх дачлайхту, махъунай зана ивклун, Махлачкъалалив яхъанай уссия.

Гъади хъуними уссурвалгу: Амин (1915 шинал увсса) ва Тлагъа (1918 шинал увсса) аьралуннавун бувцун бивклун бур. Амин-нуя шофер хъуну, летчиктал хладур байсса училищелул

начальникшиву дуллалисса генералнал машиналий зий ивклун ур цал Грозныйлий, яла Новосибирскалий, яла Омскрай. Муния махъ ялагу Грозныйлин занаивклун, младший лейтенантнал цланин лайкъ хъуну, 1946 шинал шавай зана хъуну ур, «Ятлул тугъ» колхозраву шоферну зий ивклун ур.

Тлагъа тлимагу 1941 шинал аьралуннавун увцуну, цал Бакуйин гъан увну ур бахътагъалтрал училище буккин. Яла, Фрунзелин гъан увну, тийхгу училище бувккун, члавама лейтенант хъуну, дъявильин гъан увну ур. Талай ивклун ур Ухсавнил Кавказнаву, Новороссийскалучла. Тикку захматсса щаву дирну дур. Зана хъуну, Цлссалакрал райондалий зий ивклун ур.

А.Абдуллаев.



Муниципал программа

Халкьуннал сипта х1исавравун лавсун

«Формирование современной городской среды в муниципальном районе «Лакский район» Республики Дагестан на 2020-2024 годы» тласса муниципал программалин бувну, райондалий дан ккаккан дурну дур лич1илисса давуртту. Ва программа цлакь дансса х1укму кьамул бунни райадминистрациялул нанисса шинал апрель зурул 7ний (№39).

Хладур дурну дур программа биттур шаврин хасъсса дорожный картагу. Программа биттур хъанахъаврил ялув ацлан ккаккан бувну бур райадминистрациялул баклчинал замести- тель А.Къюнюевлун.

Дорожный карталий ккаккан дурну дур дансса давуртту, ми дансса члунну, жаваб дулунми.

Масала, хъхъич1ва- хъхъич1 цлакь бувну бур программа дачаврил ялув бацлансса ва мунил даву координировать дуллансса обществолул комиссия.

Программалиясса бувч1ин

бавуртту дуллан аьркинну бур райондалул жяматиртан, вич1и дишин миннал мурадиртта, маслихатиртта, т1алавшиннах. Вай давуртту сакин даву ва жаваб дулунману ккаккан увну ур ЖКХлул ва СЭЗрал директор Аь.Мажидов.

Дансса давуртту, агъалинащал дизайн-проект ххалдигъаву, жяматийсса цуми кланттурду ххуй-ч1юлу бувну ччай буссарив агъалинан аьчух буллан ккаккан бувну бур райондалул СМирдайхч1ин. Ва бигар бачин бан буржлуvmи М.Мусалаев ва П.Ах1мадов. К1иц1 ларгсса

муниципал программа ласун райадминистрациялул сай- район. Миккува ккаккан баван программа биттур хъанахъаврил даража.

Программалул проект цлакь дайхту ва му зузи дансса кланттурду цлакь байхту, конкурс дачин дан аьркинну бур, жяматийсса кланттурду ххуй-ч1юлу бавриха зунсса подрядрал идара язи бугъаврил цланийсса. Му даву дурну кьуртал дан 2020 шинал апрельданул 25 хъуннин.

Муниципал контрактру цлакь даврин бувну биттур дан благоустройстволул строительстволул ва монтажрал давуртту июньдалул ахир хъуннин.

Нанисса шинал июльданул 1нин программалул давуртту дурну кьуртал дан ва ми кьамул даврил акт чичин. Шикку гьуртту хъун строительство дуллалисса идара, райадминистрация, МКУ, ЖКХ.

Строительстволул давуртту нанисса щала мутталай ялув ацлан ва контроль бул-

лан ЖКХлул ва СЭЗрал директор Аь.Мажидовлун.

Давуртту кьуртал шайхту ми т1итлаврил шадлугъру дан райондалул кадминистрациялул.

«Ххяхабургъил» хъунама редактор М.М у с а л а е в - лун ва райадминистрациялул отделданул начальник Т1.Ах1мадовлун проект биттур хъанахъаврия члун- ч1умуй агъалинан баян буллан СМирдайхч1ин, гъира бусса инсантал бавтлсса собраниартту дуллан, проек- травах ч1явусса халкъ х1ала буххансса чаранну льякъин.

Гьарца нюжмардий Аь.Мажидовлун РДлул ЖКХлин баян буллан проект биттур хъанахъаврил даражалия. Х1асил, к1иц1 ларгсса программа агъалинал сипталин бувну дуллансса давурттацлун дарх1усса духъукун, гьарца райондалий ялапар хъанахъиманаща буюхълай бур программа биттур хъанахъавривух, дан- дитанмунивух х1ала увххун, цалами пикрирду аьч бан.